

DISSERTATIO THEOLOGICA,

SISTENS

*CONSPEC TUM SCIENTIÆ  
PASTORALIS,*

*IN USUM SEMINARII THEOLOGICI.*

---

CUJUS PARTEM NONAM,

APPROBANTE MAX. VENER. FAC. THEOL. ABOUNSI,

MODERANTE

JACOBO BONSDORFF,

S. S. Theol. Profess. & Licent.

*publico examini subjicit*

ANDREAS BORGSTRÖM,

Jemtlandus.

In Atrio Cancellariæ d. ix Decembr. MDCCCIX.

h. a. m. f.

---

ABOE, Typis Frenckellianis.

f.

homiletico officio, quod Cap. 8:o Homil. Partis exposuimus. Explicatio autem ac demonstratio omnis accommodata sit rudiorum captui; Sive enim verbis Biblicis simpliciterque rem quandam definiamus, sive expōnere eandem aut rationibus corroborare voluerimus, veritas ejus semper eluceat oportet. Naturalis religionis veritatem ex communi sensu & experientia nostra propria, revelatæ autem robur ex Divino testimonio explicabimus. Accedat 2) *Sinceritas* ipsius catechetæ, ut attente eum exaudire, memorieque suæ mandare præcepta ejus possint iirones. Quis quælo fallacem dolosumque sibi exoptat viæ ducem? Quis imperitus non judicare si pius valet de integritate præceptoris? Quam importunum ac inverecundum, aliis persuadere velle veritatem, de qua ipsi dubium hæret! Nemo vero popularis accommodationis necessitatem regerat, etenim aliud est parcere aliorum præjudiciis, aliud eadem augere. Gravissimis ergo qui contra religionis Christianæ fundamentalia dogmata præoccupatus sit scrupulis, ne unquam doctoris catechetici ascendat cathedram, siquidem fidem christianam sinceritate, non arte simulandi niti, longe testatisimum est.

3) *Simplicitas* quoque & *perspicuitas* tanto magis in catechisatione utpote necessaria virtus, commendatur, quanto certius omnino pateat, abstrusam & subtilem demonstratio-

nem

nem plebis superare captum. Propterea nihil memoriæ mandandum est, quod non intellectum & animum afficere poslit. Historice quidem & morales res in se habent evidentiam, ubi nimirum ad communis sensus ac experientiæ exigantur forum; Neque tamen sic dictæ theoreticæ veritates, quamquam abstractæ, immo quoque mysterii interdum plenæ sint, difficilem habebunt ad fidem aditum, dummodo ex analogia rationis, s. moralis hominis naturæ, ex simili & justa argumentorum inductione explicitur. A primis vero & axiomaticis i. e. clarissimis sensualibusque notionibus ad generales atque abstractas procedendum est; quare etiam negativa via in quæstionibus plebi rudiori proponendis maxime utimur, quia communis hominum experientia nullum in iis dubium relinquit. Comparationibus vero exemplisque s. profanis s. biblicis illustrentur oportet præcepta moralia, ut efficaciora & clariora evadant. Quo in genere præiverunt SALZMAN, FEDDERSEN, CAMPE. Affirmativa momenta longiori egent ratiocinio, in primis si intellectualia fuerint; quis vero certam amplecti non poterit persualionem clarissima per effata Christi? e. s. p.

4) *Brevitas* in universa institutionis & dialogorum forma eatenus adhibebitur, qua rei natura permittit, aut exigit. In cognitis familiaribusque explicandis rebus otiosum

esse, vaniloquentiam sapis & tedium aliis excitat; nimia autem brevitas obscuram & infructuosam reddit informationem. Usus optimam monstrat viam.

5) *Ordine disposita* sit omnis catechesatio & popularis religio. Systematicum illum merito praetulerunt sagaciores, KOPPE, ROSENTHAL, PILGER, nec justa causa erat, cur alii recentiores cum defererent, morum doctrinam ante articulum de Deo, officia in nos aliosque ante officia in Deum, sanctitatem christianam ante pœnitentiam e. s. p. temere ponentes.

6) *Adæquata* in omnibus essentialibus, in S. S. ac experientia bene fundatis, dogmatibus. Perperam ergo Deistici catechetæ exclusam voluerunt ideam revelationis, Divinæ Christi naturæ, expiationis, fidei in Christum, rel. supranaturalium dogmatum. Atque hoc demum erit Christianam exponere religionem? Caveant sibi catechisantes ab ejusmodi nugis deisticis.

7) *Apte* demum omnis institutio ruderum captui, ætati ac progressibus accommodetur. Quæ aptitudo & verbis & sententiis inesse debet, multumque adjuvatur alia sub forma allatis saepiusque *repetitis* quæstionibus. Quod quomodo fiat, usu potius quam præceptis discitur. Conf. ROSENTHAL, anv. p. 17. Quia porro in omni catechesatione animi vera perfectio, emendatio & tranquillitas spectatur,

atur, summa ope niti decet, ut ad animum veltu pertingat informatio ipsa; quare,

8) Practica quoque methodo utamur. Nisi amicta, familiaris & blanda fuerit instituendi ratio, lenitate verborum, gestuum, morum, pariter ac patientia semet exferens, atque cum præmiolis & laudibus conjuncta, nulla parari poterit attentio, nullaque patet ad animum juniorum commovendum, flectendum, confirmandumque via; Absit ergo nimia severitas, absit austritas omnis atque inhumanitas, ne animi juniorum absterreantur aut ludibrio aliorum exponantur, excepto elenctico consilio; immo falsus & insolentiae umbra penitus absit. Patheticam vim catechisationibus universis conciliabunt fidelia & didacticis regulis intertexta monita, consilia, exhortationes, applicationes; ut enim nulla theoretica veritas inutilis haberi potest, ita practica quævis doctrina motiva sua ex infinita Dei maiestate & præsentia, providentia, Christique consummatisimo exemplo merito sumit; Quæ omnia utpote oratoribus Sacris communia, jam 10:mo Cap. Homilet explicuimus. Videant vero doctores, ne nimis declamationibus ac perorationibus indulgeant, discrimen consonis & simplicis institutionis negligentes? Caveant quoque fibi a vitiis in catechifando frequentibus, ne sine iusta præparatione, sine ordine, nexu, aut ad juniorum captum non accommoda-

modata ratione proponant veritates. Non enim satis est, veram tenuisse methodum, sed quoque videndum, ne quid male & negligenter fiat. Conf. FELBINGER *Kunst* 2.  
*Katecbris.* c. 5.

---

## CAP. VI.

*De Fontibus & subsidiis Catecheticis.*

§. 1. Quaecunque de Evangelico pastore e-jusque requisitis antea generaliter allata sunt, ea quoque in Catechisantes omnes jure applicari posunt. Quo melioribus enim naturæ dotibus, ingenio, acumine, judicio ornat, quo majori Scientiarum apparatu adjuti ac exercitati fuerint, eo majorem quoque in studiorum institutione proferent fructum; immo duram experti naturam labore omnia vincere saepius solent improbo. Animi vero moralia dona, integritatem, fidem, pietatem inesse omnibus debere, pariter atque communicandi externam facultatem, decentiam, puritatem, orisque comitatem, cæt. verbo nominasse sufficit. *Fontem* ergo felicioris catechisandi rationis aperit primum *natura ipsa moralis*, quæ tamen nisi proba educatione aliisque sufficiatur adminiculis, otiosa evadit.

§. 2.

§. 2. His adminiculis adnumerantur *Scientiae* qualibet, Theologicum ſtudium ſive direcťe ſive indirecťe ſpectantes. Conf. Protheor. Cap. 4. Per ſe autem patet, non agi de infimo catechetarum ordine, qui artibus scientiisque operam navare minime valent, ſed de miniſtris Eccleſiae, quatenus catecheticum obent munus, quod quo gravius merito habetur, eo etiam plus doctriňe requirit. Neque ulla praxis lubiliter fine theoria h. e. präceptis, regulis ac vario ſtudiorum genere potest, ut experientia fatis ſuperque comprobat.

§. 3. Ex altera vero parte ſummopere neceſſarium eſt, uſum ſ. exercitationem catechifandi ſibi comparare. Quo pertinent non modo aslidua leſtio Scriptorum dialogiſticorum, in omni genere, ſpeciatim morali, v. c. Socratiſcorum a XENOPHONTE in memorabilibus Socr. & PLATONE editorum, LUCIANE Dial. mortuorum, CICERONIS libr. de Amicitia & Senectute, Oratore, cet. FONTEELLE, FENELON, HERDER rel. verum etiam Catechificationum exempla egregia, recentiori inprimis ævo a SALZMAN, MILLER, WOHLER, DOLZ, LANGE in *Katech. Magaz.* & SCHMID in 3:a parte *Katech. handb.* elaborata. Caveant tamen ſibi tirones, ne nimis ſe his tradant präſidiis, propriam negligentes meditationem; nihil enim hoc genere ſcriptionis cogitari potest otiosius multorumque aptius alendæ ignaviæ. Practicum ergo collo-

colloquendi modum ex propria praxi sive viva sive litteris consignata edificant, hujusque consilii obtinendi causa mature satis exercitia quævis instituant pædagogica, atque amica colloquia mutua.

## CAP. VII.

*De Libris Catecheticis.*

§. 1. Nullam institutionem religiosam com mode & cum fructu posse apud rudiores promoveri, retineri ac perfici, nisi ad sint libri, quos perlegere & memoriae suæ mandare valeant omnes catechumeni, oppido patet. Vicem enim sustinent viæ ducis, quem ad attingendam metam sequi convenit, adminiculumque præbent orali informationi aptissimum, immo quoque egregiam adlerunt progressibus in cultu religioso materiem. Sunt vero hi catechetici libri in primis in systematico-populari religione tradenda occupati, atque charactere suo tatis a Theologia Dogmatica distincti. Quoad materiam neimpe fundamentalia tantum dogmata & præcepta continebunt, quoad formam ac methodum simplici, populari, brevi ac ordine suo disposito stilo prescribi debent. Quaeri etiam solet, utrum *dialogistica* (eroticistica) forma sit necessaria. Atque omnino rite id affirmarunt

marunt plerique, quia ad memoriam non minus quam rationis facultates acuendas multum conferunt, quamquam recentiorum nonnulli *tabellariam* quandam, alii e. c. ZERRENNER, SCHMID, *aphoristicam* præoptarint. In prima tamen institutione juventutis aliam vix utili probabunt methodum, præter vulgarem, quæ aphorismis symbolicis, precibus, tabula œconomica questionibusque mixta est. Immo quoque in proiectioribus informandis mixta adhibebitur; Utrum vero bene jam informati aphoristica fortassis ut posint ac debeant, vix ambigendum videtur.

§. 2. In generali autem & omnibus ætatibus attemperata libri catechetici forma prescribenda inde a Lutheri ævo multi desudarunt. Lutheri tamen Catechismus minor symbolicam auctoritatem nactus est, (major enim, licet quoque symbolicus liber, non erat rediorum institutioni destinatus) atque multa habet commoda, speciatim propter perspicuam delineationem doctrinæ christianæ in Articulis de Deo, Christo & Spiritu Sancto, Precibus & Oratione Dominica. Habet tamen quoque suos defectus suaque incommoda: 1) in ipso decalogo Mosaico male ad totam morum doctrinam contorto; 2) in Articulis de Baptismo & S. Cœna, mystice expositis; 3) in his & cæteris capitibus, atque precum formulis obscurius nec omni cum ordine & puritate sermonis enucleatis. (Quintum caput, de

de absolutione a Theologis Norimbergicis additum est.) Specimen decalogi Christianis apti dedit HUFNAGEL *über den ersten unterricht nach den Zeben geboten*, & KFLAUM *die Rel. Jesu*. Unde sequitur, non omnem emendationem catechetici hujus libri per se superfluam fore; Interim tamen cum omnis subita mutatio periculosa sit, atque auctoritas hujus libri propter magnam suam evidenter fatis invaluerit, consultius forte putabitur, hunc ducem tamdiu, non quidem servili sed ingenuo modo, sequi. Etenim una cum decalogo commode appendicis loco poterit universa morum doctrina ordine licet aliquantum mutato, post Articulum 5:um explicari; Ad primum Articulum fidei pertinet non modo doctrina de Deo & Creatione, verum etiam de homine & angelis; Secundus de Christo & Tertius de S:u S:o articulus uberrimam dat hos locos explicandi materiem. Sequitur locus de adminiculis salutis, verbo Dei, Precibus & Sacramentis; Quintum vero caput de absolutione adjungatur Articulo Tertio, tanquam appendix, siquidem penitentia & absolutione pertinet ad ordinem gratiae Divinæ. Quod ad tabulam œconomicam attinet, specialem ea continet doctrinam morum sive legem Christianam, adeoque revera conexa est cum articulo tertio. Sic ergo per tractato catechismo Lutheri minori, brevem juniores obtinebunt conspectum salutiferæ religio.

ligionis, si alio insimul utantur subsidio catechetico. Laudem ergo merentur studia doctorum, qui ad variam auditorum classem, puerilis, juvenilis & maturioris aetatis, respicientes diversa ediderunt enchiridia. Puerili aetati destinata sunt: SEILER *Religion der unmündiger*, ROSEN MULLER *erster unterricht in der Religion für Kinder*, JACOB *die ersten lebren d. Christl Rel.* & inter nostrates, MÖLLER *mindre Lärobok i Saligbets Läran*. Adultiores vero opus habent pleniori institutione. Eminent vero, inter recentissimos auctores, KOPPE, ROSEN MULLER & FILGER, qui medium ingressi viam systematicum fecuti sunt ordinem. Überiorem materiem exhibet JOH. WILH. SCHMID & G. L. BAUER *gespr. ein lebrers mit sein. erwachs. elev. üb. Wahrb d. Chr. Rel.* Ad formam catechismi Luthei optime inter nostrates explanavit doctrinam cœlestem SUNDIUS; Ex Germanis, SEILER, FORSTER, SCHLEGEI, LINNÉR, LANGE, HERDER. Ceteri tamen laude sua minime defraudandi sunt.

§. 3. Compendiarium porro viam in Biblica historia ad catechilandum accommodanda, præiverunt laudatissimi viri, MILLER, SEILER, ROSEN MULLER, FEEDERSEN, KUSTER, ZACHARIAE & HENKE, de quorum scriptis sigillatum monere non opus est.

Rudioribus demum ac plebi faciliorem reddere lectionem Scripturæ Saeræ, haud inter-

intermisserunt cordati Theologi ex omnibus  
sevo. Recentiores nonnullos nominasse suffi-  
ciat fontes, e. c. SEILER Kleine Biblische  
Erbauungsbuch, HVENAGEL die Schrift. d.  
Alt. Test. — bearbeitet für leser aus allen  
ständen, FEDDERSEN Bibl. Lesebuch f. kinder  
von reifem alter, FRISCH Katechetische Erkl.  
d. passions Geschichte J. C. WERNERS bibli-  
scbe Katechisationen für Schullehrer, Infor-  
matoren und denkende Christen, JACOBI Reli-  
gion aus den hauptstellen der Bibel in 42  
unterredungen; Minime vero commendentur  
scripta: AI om. Briefe in volkston — auszug  
aus d. N. T. — für aufgekl. bibelfreunde;  
Textus Evangelicos & Epistolicos populi in  
utum bene exposuere ZERRENNER Christl.  
Kolks Reden ub. Evang u. Episteln, SALZ-  
MAN Christl. baus postille. Alia scripta pro-  
vectioribus fortassis magnum allatura utum  
hoc loco prætermittimus. Interim vero in  
votis est, ut Bibliorum Sacrorum translatio-  
& editio fiat, quæ brevia scholia, in radio-  
rum usum adnexa habeat. Exempli loco  
adferatur BASTHOLM Versio Danica Nov. Test.

## CAP. VIII.

*Historia Catecheticæ.*

§. 1. Hisce de librorum catecheticorum  
præsenti usu monitis adjungatur tandem  
bre-

brevis historia ipsius Scientie, ejusque pra-  
xeos. Ordinandum vero esse a Statore reli-  
gionis nostræ, Chillo, qui popularem me-  
thodum docendi tanto cum successu adhi-  
buit, ultra quidem agnoscimus. Sine solida  
rerum essentialium institutione nec Christus  
neque ejus Apostoli persuadere doctrinam  
fiam discipulis suis potuerint. Atque cer-  
tum manet, eos disertamen auditorum s. ca-  
techumenorum, tam quoad ætatem quam reli-  
gionis progressus, tecisle ita, ut prima ele-  
menta de Dœ, Christo, fide ac moribus au-  
ditoribus primum, lactis (*γαλακτος*) imagine,  
fisterent, unde simpliciores, in primis ele-  
mentis imbuendi, lactantes, ad morem Ju-  
daicæ linguae appelabantur; conf. 1 Cor. 5:  
2. Ebr. 5: 12 — 14. 6: 1, 2. 1. Pet. 2:  
2. Maturioribus autem *σερπετα τροφη*, solidior  
cibus i. e. informatio competere dicebatur.  
Universa institutio sine dubio eratematico-  
præceptiva, i. e. mixta erat, quam cæteri  
quoque doctores Apostolico & in sequenti  
ævo adhibuerunt, unde catechumenorum di-  
visio in audientes, genuflectentes & compe-  
tentes (s. electos) obtinuit, quorum hi tan-  
tum ad examen baptismale admittebantur;  
Conf. BINGHAM *Orig. Eccles.* L. X c. 2.  
De recta catechumenos docendi ratione præ-  
cipiunt CONSTITUTIONES APOSTOLICÆ Lib. 7.  
c. 42, CYRILLI Catecheses & AUGUSTINI  
Lib. de *catechizandis rudibus*; Constitue-  
bantur

bantur quoque scholæ catecheticæ variis in urbibus, Alexandriæ, Antiochiæ, Smyrnæ rel. quarum tamen in usum nulli adhuc libri catechetici, præter Orationem Dominicam & symbolum Apoll. conscripti erant; CLEMENTIS enim *Stromata* & ORIGENIS Lib. περὶ ἀρχῶν maturiores Christianos spectabant, multaque continebant ad allegoricum genus pertinentia. Catechistæ vocabantur, qui rudiiores & ex gentilismo (απιστοί) ad Christiana sacra transfeentes instituerent. Quo munere non modo certi quidam doctores verum etiam Presbyteri & Diaconi, atque interdum Episcopi v. c. AMBROSIUS, fungebantur.

§. 2. Symbolis successu temporis addebatur decem p̄cepta Mosaica, hymnū Zachariæ & Mariæ, symbolum Athanasianum, doctrina de septem sacramentis, & peccatis mortalibus septem Propagata religione christiana ad gentes quasvis Europæas, eadem increbuit docendi methodus, qua Romana Ecclesia utebatur; Quin etiam perperam Latina lingua ad barbarorum rudiorumque cultum religiosum accommodabatur, donec Sec. 9:o CAROLUS M. cum suis vernaculam linguam in omni catechisatione commendaret, variasque scholas adornandas curaret. Hinc expositiones in confessionem fidei, decalogum, Orat. Domin. cet. ediderunt KERO, ERASMUS MAURUS, HUGO v. VICTOR, al. quam-

quamquam negari nequeat, exilia satis & jejuna ad præcavendam barbariem cito jam ingruentem hæc eorum suisce conainina. Diluculum tamen quoddam in tanta scientiarum, religionis & cultus caligine exortum, gratulabatur sibi orbis studio Valdensium, Viklesitarum & Husorum. Sec. 12: & 14. Eminet WICLEFI catechismus sub titulo: *puerus rusticus* i. e. symboli Apostol. Orat. Dom. & Decalogi explicatio, *catechismus Hussii*, fratrum Bohemorum in usum, JOH. GERSON Doctoris Parisiensis *de parvulis tractandis ad Christum*, NICOL. RUS (Rostoch. 1511.) PEACOCH Episc. Angl. catechelis, rel. de quibus adeatur LANGEMACK *historia Catechetica*.

§. 3. Renascuntibus vero litteris Sec. XVI. lucem quoque religionis plebi accensam studio Lutheri in suo Catechismo majori & minori suisce, quis ignorat? Inutilia enim dogmata de septem Sacramentis, preces *Ave Maria* & *Salve Regina*, nec non reliqua Catholicorum proscribebantur deliria; Lutheri liber catecheticus symbolicam obtinuit auctoritatem, & novis aliorum doctorum exornabatur scriptis, commentariisque, e. c. BORENTII catechismo, Theotisco, & BUGENHAGEN, MELANCHTONIS, Latino sermone, CONR. DIETERICI *inst. catecheticas* (A. 1615.) CASELI, MAURITII cæt. expositionibus in catechismum Lutheri. Nec derant Sec. XVII.

qui

qui DIETERICI vulgatissimum librum scholiis iterum illustrarent, atque catecheticas conciones uberimas super minorem catechismum Lutheri haberent ederentque. Alii methodum catechisandi bene proposuerunt e. c. HYPERIUS *de catechesi* (1570) BAYER *de informat. Catecb.* Quantum vero utilitatis per plerasque protestanticas regiones indefessis hisce studiis ceperit imperita sed docilis plebs christianorum cœtuum, commemorari fatis nequit. Interim tamen magnam catechisationum partem in formulis obscurioribus, abstractis, dogmaticis atque otiosis hæsisle rebus, fatendum est. Practica religio simplis ciorem suam sæpius cum polemica & abstracta commutabat formam, neque vanum istiusmodi morem penitus profligare potuit laudabilis nonnullorum, JOH. POMERANI (Wittenb.) KRAKEVIZ (Rostock) Catecheticam scientiam ex instituto ad Academias tradendi opera.

§. 4. Reformatorum & Lutheranæ Ecclesiæ doctorum industriam eodem hoc Sec. XVI. & sequentibus imitabantur non modo cæteri protestantes ex Reformata Ecclesia, parum a Luthero disidentes, CALVINUS in *Catechismo Ecclesiæ Genevensis* 1538, OLEVIANUS, Heidelberg *Catecb.* 1563, LEO JUDÆ in Helvetia, DREYLINCOURT, OSTERVALD, SAURIN, BERTRAND, WERNET in Gallia, CRANMER, SCHERLOCK, BURNET, CLARK, WATTS, FRISTLEY

PRISTLEY in Anglia, rel. quorum opera & studio insignis parabatur in catechizando & concionando emendatio, verum etiam in Catholica ipsa Ecclesia varjam tentabant aliquantisper purgandæ & ad plebis usum adaptandæ doctrinæ methodum cordatores, nimirum: ERASMUS, WICELIUS, CANISIUS (1533 — 1554) BELLARMINUS (1603.) BOSSUET, FLEURY (1679 — ). COLBERT, FELBINGER (1774) quibus omnibus id saltum dabitur laudis, ut ad erudiendam plebem catecheticos ederent libros. (*Catechismus concilii Tridentini* edebatur 1565. publico nomine Pii V:ti.) Ipsa tamen antiqua catholicismi forma, cum suis erroribus commentisque, e. c. de signo crucis, indulgentiis, peccatis venialibus, auctoritate Pontificis, & 5 Ecclesiæ præceptis, maximam partem intacta mansit; vera mentis emendatio ad cultum quendam sanctorum vanum, ceremoniasque sacras restringebatur, omnisque ferme conscientiae ingenuus usus, ad placita hierarchiæ Pontificiæ, exspiravit.

Ad cæteras porro christianæ Ecclesiæ sectas quod attinet, quarum aliæ, Græca scilicet s. Orientalis, constanter antiquam retinuerant formam fidei, aliæ de novo glicere inceperant, SOCINI, ARMINII, ZINZENDORFFII, SCHVENKFELDII sub nomine, omnes quidem de catechetica quadam institutione & libro symbolico edendo sollicitæ fuere,

parum tamen ad summum religionis popularis scopum attingendum contulerunt. Per Russiam & Orientales Ecclesias disminabatur PETRI MOGILÆ, Kiovenlis, *Orthodoxa confessio catholicæ Ecclesiæ Orientalis* (1642) variis linguis, Græca, Lat. Sclavon. German. edita; per Poloniæ SOCINI cœtechesis (1574) una cum *Racoviensi catechismo* (German. Polon. & Lat. lingva 1605 — ) plebis captabat ac personabat aures; Batavorum lingva pervagabatur *catechismus Remonstrantium*, Rotterd. 1640; Bohemos, omnesque in universum fidei fratres instituere præterlapso seculo adnitebatur Comes de ZINZENDORFF, libro: *gevisser grund cbriſtlicher lebre nach anleitung des catechismi D. Luthers* 1725. NITSCHMAN & SPANGENBERG, *idea fidei fratribus* 1779. — Quakerorum demum & Fanaticorum per Angliæ & Indiæ occidentalis nonnullas regiones dispalantium studia indefessa ad inficetum vulgus perturbandum quam erudiendum aptiora, ne quidem nominari merentur.

§. 5. Circa medium Seculi XVII felicior meliorque catechisandi methodus, & velut nova periodus, cum SPENERO incipit. Practicam is ante omnia promovere studuit fidem, veramque pietatem, posthabita polemica & rigida Christianæ institutionis forma; Otiosas enim subtilitates & disputationes plebi parum proficuas, ex catechetica doctri-

erina exterminandas ducens, verum Christia-nismi exercitium simplici ac populari institu-tione optime promoveri posse vidit; Quare catechismum Lutheri ad practicum suum & a Luthero destinatum usum revocare piissi-mo zelo instituit, editis: *Tabulis catech.* *Einfältige Erklärung d. Christl. lebre, & gedanken von der catechismus Information.* Ejusdem vestigiis institerunt: KORTHOLD, FECHTIUS, RAMBACH, BUDDÆUS FÖRTSCH, SEIDEL, SCHMID, FREULINGHAUSEN, cæt. qui prælectionibus non minus, quam scriptis de methodo catech. & explicationibus in Lutheri Catech. Ecclesiæ prodesse studuerunt, conni-ventibus plerisque protestanticis principibus. Nova vero sub hac periodo arridere cœpit catechisandi methodus, per breves tabulas, quam rationem tabellariam, memoriae inpri-mis accommodatam censuit Abbas HÄHN, ejus auctor. Neque tamen hæc aut mystica ratio, omnem fere pietatem ad supernatura-lem Divinæ gratiæ concursum referens, ra-tionisque usum flocci habens, diu omnium calculis probari potuit, sed Pietisticis litibus anfam dedit. Immo quoque variis laborare defectibas catechismum Lutheri, communi-ter in instituenda juventute usitatum, non potuere non animadvertere sagaciores The-oologi, systematicum ordinem præferentes. Quare animum ad emendandam non modo vulgarem catechisandi methodum, verum

etism universam paedagogicæ institutionis formam, multipli industria interiderunt.

§. 6. Ansam ei dedit, & Berolinensis Societatis (1764 — 1767) constituum prœmium pro elaborata brevi expositione Religionis juniorum in usum, & celebris Desauiensis doctor BASEDOV, scriptis & institutis suis Philantropicis, in quibus naturalem religionem atque rationis humanae dignitatem haud temere commendat & ad analogiam cum Biblica doctrina restituit, licet minime quoque negandum sit, otiosas multas studio paideutico illatas ab hoc auctore suis hypotheses. Mediam tamen sobriamque viam multi ingressi, religionem christianam, ex duplice suo principio, rationis & revelationis, derivatam, populariter ac systematico modo tradere incepérunt. In ipta methodo catechandi laudabilem operam posuere NÖSSELT (*Anweis. zur bild. angeb. Theol. P. 3.*) SALZMAN (*üb. die virksamsten mittel Kindern religion beyzubringen.*) SEILER (*grundfâße zur bild. kunftiger volkslebrer. prediger u Katecheten*) MILLER (*anweisung zur Katechisir kunst*) ROSENmüLLER (*Anv. zur Kat.*) JAKOBI (*Beytr. z. Pastoral theologie*) CAMPE (*Allgem. Revision d. gesammtten Schul u. Erzieb. Vesens.*) WILLAUME (*prakt. bandb. f. lebrer in Burger u. landschulen.*) NIEMEYER, MASCHO, KÖPPEN *numerique* alii. Catecheticos libros præcipuos jam Cap.

Cap. praecedenti indicavimus; quibus, quantum ad eorum historiam pertineat, ex infinita messe nonnullos e. c. EN. CHRIST. SIMONIS (*Kurzer Begriff d. christl. glaubens lehre für Katechumenen*) ZACHARIÆ, HERMES, WAGNIZ, RAUTENBERG, TROSCHEL, MUNTER, CLUDIUS, BASTHOLM, SEILER, MILLER, *Christl. Religions buch*, (conf. SCHMID *Katechet. handbuch* p. I. p. 49 — 53, & 54 — 60.) cæterosque, sive publica sive privata auctoritate adoptatos, addere eo quidem consilio placet, ut judicari possit, utrum in essentialibus capitibus multum amplius desideretur, aut corrigi in forma debeat. Atque haud pauci ex ineunte hoc seculo XIX universam catecheticam institutionem arctis naturalis religionis & morum doctrinæ pomeroiiis includere, pariter ac ordinem systematicum pervertere voluere v. c. MELLIN *unterricht in der lebre Jesu*; Quem novaturiendi pruritum nemo lincerus laudabit.

In laudem vero recentioris ævi commemorare convenit, sic dicta, seminaria Theologica, ad formandos doctores & catechetas instituta & publica principum auctoritate munita suisce. (Recensentur vero a SCHMIDIO.) Ut practicam in primis spectant præparationem muneris Pastoralis, ita spem melioris successus in religione christiana instillanda atque ad mores attemperanda haud temere addunt, modo a novarum rerum ablineatur

studio, cui tantopere indulgere solent imperiti & semidotti, nec præpostero ordine his se accingant Theologiae alumni exercitiis practicis. Nulla enim praxis Pastoralis prudentiae hene promoveri potest, nisi theoreticis antea iussulta fuerit principiis; quin etiam stultum est, formam usumque ipsum ediscere & perpolire velle, materia nondum rite perspecta. Cæterum multa sunt ad ministerium sacrum pertinentia negotia, Liturgica speciatim & Ecclesiastico-Juridica, quo commodius meliusque sub administratione muneris, quam circa tirocinia præparatoria inculcantur. Quis nempe exactam curam delinquentium aut ægrotantium, conventus parochiales, tabulas mortalitatis, œconomica, cæt. junioribus præscribet observanda? Nisi ergo frustraneum impendere laborem volunt seminarii doctores, accuratum faciant elementarium & provectionum studiorum dicimen.

Historiam Catecheticæ post BUDDÆUM, WALCH bene illustrarunt SCHMID & SCHULER *Gesch d. Katech. Relig. unter der Protestant. von d. Reformat.* (1802.).

---

## SCIENTIÆ PASTORALIS

## PARS TERTIA.

## LITURGICA.

## CAP. I.

*De Liturgica universa.*

§. 1. Quam certum sit, religionis naturam atque viam ceremoniis actionibusque sacris extensis non constitui, sed ab institutione vivida & cultu Dei interno præcipue pendere, ita tamen æque patet, salutaris doctrinæ influxum externorum rituum administriculo haud viter promoveri. Receptos ergo in Ecclesia nostra Evangelico-Lutherana ritus non tam recentere quam dijudicare, rationemque tridere, qua celebrari, restaurari ac perfici prudentis Evangelici doctoris cura ac vigilantia debeat singuli, id vero omne ad *Liturgiam* pertinet, quam partem seorsim a ceteris pastoralis muneriis negotiis tractare Recentiores inceperunt Scriptores. Nomen ipsum Liturgiae (*λειτουργίας*), a *ληιτος publicus* & *ργειν opus* descendens, publicum quodvis munus, administrationem, primus

He-

HESYCHIO & SVIDA interprete, in Scriptis p̄sonorum ac Novi Testam. indicasse videtur, feriore autem tempore ad cultum religiosum externum a Patribus Ecclesiæ restrictum est, & ab Ecclesia Græca constanter de communione Eucharistica sumitur.

§. 2. Universa Liturgia sive cultus religiosus variis absolvitur ceremoniis, tam publico in Ecclesiæ conventu, quam privatis in confessibus, ordinario & extraordinaire modo celebrandis; Etenim licet negari nequeat, administrationem earundem præcipue publico in loco, & quasi Ecclesiæ ipsius gremio, instituendam esse, incident tamen saepius tempora, quibus baptismales, eucharisticos aliosque ritus privatim celebrare cipiunt Christiani cives, de salute sua ac aliorum rite solliciti. De cultu domestico sive privato religionis exercitio in conveniculis familiarium obvio, non est sermo; talis enim cultus plane arbitrarius est, nec tamen nimis debet exaggerari: Interim privati omnes ritus publicum quoddam fortinuntur preium acremolumentum, quia non a loco sed auditorum consilio pendet, quid valeant hi ritus ad alendos religionis sensus. Hujus vero cultus externi genera sunt: festiva Sabbathi festorumque dierum celebratio, (cultus Dei publicus), sacramentorum administratio, confessio & absolutio, conjugalis vinculi ceremonia, s. neogamorum copulatio, uxorum post

post partum initatio, excommunicatorum receptio, funeratio, ministeriorum ordinatio, rerumque omnium sacrarum consecratio. Unde patet, ritus hos esse sive in actionibus sive rebus ipsis sive personis & tempore constitutos. In quibus omnibus exantlandis observet Pastor Ecclesie, ut decor non minus externus ac ordo, quam palmarium religionis consilium obtineatur. Id vero omne edocebit *Liturgica*, pariter ac nævos defectusque indicabit, & ad primitivum suum nitorem ritus omnes restituet & repurgabit. Patet hinc quoque, quatenus hæc scientiæ Pastoralis pars conjuncta sit cum Jurisprudentia Ecclesiastica, aut ab ea differat. Hæc nempe docet, quinam ritus in Ecclesia nostra Evangelico-Lutherana sint recepsi & a magistratu politico stabili. Quum vero externæ ejusmodi actiones religiosæ per se sint indiferentes ac liberæ, nec ad eandem normam in omnibus coetibus christianis exigi possint, Liturgica generali quodam calculo omnes dijudicat, optimamque præ cæteris elicit formam. Fata & diversitatem rituum sacrorum exponit Historia. Utramque autem, cum Liturgica universalis connexam, doctrinam, historiam scilicet & civilem præceptiōnem, quantum consilii fert ratio, una delibabimus.

§. 3. Religionis quum sit consilium, omnia vitæ humanæ negotia vicisitudinesque

que ad sacrum quendam dirigere finem, hominumque ea sit natura, ut tum in externos sensuum motus sponte sua erumpant, tum rerum externarum signis detectentur, excitentur ac confirmentur; *necessitas*, ergo rituum quorundam in Ecclesia nostra a nemine pernegabitur, quamquam ea nullo modo absoluta sit ac essentialis, sed conditionata ac relativa. Etenim precibus fundendis, hymnis decantandis, gestibus ac moribus decenter exprimendis, pictis tabulis Sacris aliisque symbolis frequenter obeundis atque adspiciendis, insigniter adjuvabitur pietas fidisque Christiana. Comprobat quoque universa historia, homines ut vulgo sunt, tardioris & hebetioris ingenii, parum saepius curare sanctissima sua officia, nisi addatur **externus** quidam stimulus, memoriam sensusque afficiens. Proinde licet verissima sit religionis nostrae laus, ut mentem ab externis umbraculis ad veram virtutem avocare studeat, constantem exhibens in animo delectionem, quam ethnica quævis religio atque judaica ipsa potissima ex parte ceremoniis nimis adstricta eset, rudioris tamen plebis Christianæ instituendæ causa nunquam non symbola quædam retinenda svalit prudentior Ecclesiæ administratio. Varietas enim & ruditas hominum semper erit consideranda. A mechanicis & externis actionibus sensim ad sublimiora surgit animus re-

cogitanda.. Observabat ipse religionis nos-  
tus & Stator hanc methodum in erudienda atque  
emendanda plebe, nec alio consilio sacra-  
menta initiationis & Eucharistiae instituebat,  
quam ut cultiores non minus, quam radio-  
res ad tuas pertrahet partes. Quibus ri-  
tibus a Christo ipso institutis, & tamen re-  
tinendis, licet addiderit Ecclesia alios per-  
se indifferentes actus, obligandi vim tamen hi-  
inficiunt, quia ab Ecclesia sint sancti. Com-  
muni igitur consensu & auctoritate esant  
esse ασταφορος ac liberi.

§. 4. Enimvero sine *delectu* ac *mode-  
ramine* nulla Liturgia locum obtinebit. A  
tutib[us] quidem externis plerasque ideas ex-  
oriri atque formari cernimus; internus ta-  
men animi sensus ipse valet easdem in im-  
mensum angere & perficere. Videamus tan-  
tum, ne signis aut tono rerum delusi iisdem  
subfittamus, parum considerantes, quid in re-  
cessu habeant. Ritus ergo religiosi precum,  
captionum, gestuum ceter. si nimia mole aut  
sine decoro obseruentur, parum abeant, quin  
oneretur, retardetur aut restingvatur ipse sen-  
sus animi, piissimo licet incensus affectu.  
Quam molestum fuerit jugum ceremoniarum  
Judaicarum, quas abrogavit Christus, meljo-  
ris & sublimioris doctrinæ dux, ipso docente  
cognoscimus. Immodice quoque animos  
Christianorum prægravavarunt Catholicæ sedetæ  
principes, atque ad insaniam detruerunt  
bar-

barbariem eo, quod externum cultum cœca fide commendarent, quin e contrario temperanter Reformatæ ac Lutheranæ Ecclesiæ antitites in ritibus Ecclesiasticis sint versati. *Primam* igitur hanc ponimus cautionem generalem, ne quid nimis in isto genere præscribamus. Ex mente ac præscripto Salvatoris bina sacramenta una cum festivo Sabati cultu instituta erant. Quum vero crescente Ecclesia sensim propagaretur religio Christi, haud abs re esse senserant doctores primitivi, varijs pro diverso statu hominum, nec tamen supra modum, addere ritus, siquidem liberum id ipsis erat, & re ipsa proficuum.

*Altera* cautio pernecessaria hæc est, ut semper in connexione æctissima cum Religiosis natura & consilio adhibeantur ceremoniae i. e. *προσκύνη*, ut omnia cætera negotia sacra. 1 Cor. 14: 26. Nisi hunc feriant scopum, damnandæ sunt ac proserbendæ, utpote inutiles. Sic ritus. Caholicorum, campanas baptizandi, sanctos martyres, beatamque virginem Mariam invocandi, procesiones asini cæterasque instituendi, thuribula incendendi, longas habendi missas, imaginem crucifixi Christi sepeliendi & e mortuis velut fuscitandi, jejunia, vexationes, & quæ sunt reliqua, nullum ferme habent e in vera pietate commercium, quin potius otiosa, noxia, immo ludicia & scandali plena reputentur necesse est; quare etiam a Refor-

Reformatoibus prescribantur. Idem statuendum de talis & lucernæ usu, (crucis signo & exorcismo, in baptismi sacramento) præter has introductio.

Hinc *Tertio* postulamus jure, ut quisvis ritus decenter & saniori gustui, æsthetico, convenienter, *σευχημονῶς* 1 Cor. 14: 40. & *κατὰ ταῦτα* adhibeantur. Deinde fiat secundum artis æstheticæ regulas generales. Proinde non possunt non aures animumque offendere jejunæ precum formulæ, exiles hymni, rauca canentium vox, atque ridiculi gestus. Videndum tamen, ne nimis exquisitas affectemus verborum veneres, vocisque & gestuum anfractus scenicos; in cultu enim facio peragendo non luditur ad morem scenæ, nec grandi inceditur cothurno.

*Quarta* demum cautio tangit medias quasdam & indifferentes res, in quibus, si vel maxime plenior desit gustus, aliquid dampnum est imbecillitati multorum. Toleranter retinendi sunt ritus innoxii & Ecclesiastica auctoritate muniti, donec cultior arriserit liturgica forma. Conf. Exemplum Paulli in Iudeo-Christianis tractandis & tolerandis, Rom. 14, 1 Cor. 10: 23 — 33. 9: 19. Ipse Timotheum circumcidendum dedit infirmorum causa, Act. 16: 1, quum Titum prohiberet circumcidiri, ne libertas Christiana evanesceret; Gal. 2: 3. Verumtamen ex arbitrio privato nihil permittandum, nisi liber.

libertati ministeriorum faciorum quidpiam concesserit lex aet seculi genius,

*Quinto* respiciendum est ad mores seculi ac populorum diversorum. Quod Paulus 1 Cor. 11: 14. præcipit viris, detecto capite, feminis velato capite orare, contentaneum erat istius ævi moribus.

§. 5. Interim *reformandi* studium a Liturgico rituum habitu non penitus alienum esse, dabunt cordatores omnes. Dies nempe diem docebit. Quis enim immortalia merita Reformatorum, LUTHERI, CHYTRÆI, BUGGENHAGEN cæteri, serviliter adeo laudabit, ut nihil nostris temporeibus restare perpoliendum & corrigendum temere pronunciet, quum ipse tamen Lutherus palam professus sit, multa temporis successu antiquatum iri, atque moderatus protestanticus doctor, FRANKE, dudum suo tempore (1699) exorcismum penitus abrogaverit. Zwinglianæ quoque fætæ patroni, qui justo parciores in ritibus sacris admittendis erant, exemplo nobis esse posunt, qua libertate in istiusmodi adiaphoris utendum sit, modo ne cum ipsis temere omnem rituum apparatum æquiorem proscríbamus. Cautionibus ergo § præced. allatis, addimus pium illud multorum desiderium de Liturgiæ nostræ Evangelico-Lutheranæ emendatione, qualem exhibet laudabilis industria nostratrum in libro 1799 edito: *Handbok, bvaruti stadgas, buru Gudstjensten med Christi*

*Christeliga Kyrkoseder uti Svenska Församlingar skall hållas; cum quo contatur BAST-HOLM über verbesserung d. äusserl. Gottesd. Leipzig. 1786.* EWALD üb. Pred. beschäft. p. 4. FISCHER & HERMES *Beytråg z. verb d. offentl. Gottesd.* SEILER *versuch ein. verbess.* d. christl. Evang. Liturgie. WOLFRATH fragen ü. Liturg. gegenst. HERMES *Beytråge zu verbess. d. offentl. gottesd.* & JUNGE *vers. ein neu. liturg.* Quoruin collatis monitis oppido constat, non modo in actionibus, verum etiam precum & hymnorum formulis perpositionem quandam necessariam esse, insuper licet haud refragandum sit, esentialia omnia nulla egere correctione, ut bene CHRICHTON üb. d. unverbesserlichkeit d. Relig. d. gottesd. u. d. Liturgie asseruit. Neque periculum eit, ne moderata quævis censura cœtuum nostrorum hominibus dilipeat, ut potius omnium ferme ferat calculos, omniumque jam expetita sit votis.

Quis enim residuos adhuc nonnullos ex papismo ritus, exorcismi & signi crucis iabaptismo, iteratas flexiones corporis ac circumactiones in misla, jejunosque omnes occentus in misla nuptiali & Sabbatica æquo feret animo? Quis stipem cum sonitu tintinnabuli minoris colligendam, fervente sub concione sacra, sine scandalo aut attentionis dispendio animadvertet? Iniquumne reputandum, ulteriori lima precum & carminum

po-

polire formam, ne castis obfit auribus offendiculum! Dabimus certe hoc ævi cultioris infinitis meritis, ut elegantiorem commendaverit gustum, religioni nullo modo adversantem. Sed sunt, ut vera fateamur, plerique in ceremoniis nostræ Ecclesie non solum tolerabilia, verum etiam sublimia, omnem respuentia castigationem, ut sigillatim suo loco monebimus.

§. 6. Universum Liturgiae *scopum* eundem esse ac ceterarum partium Palloraliæ scientiæ, vel ex iis, quæ de necessitate rituum prohibuimus, liquido patet. Quo magis enim sensualis nostra natura ad Religiosis & virtutis perducitur viam, eo efficacior exoritur morum performatio. Ad persuasione quidem mentis generandam non valent externi ritus, sed eandem adjuvant eo, quod attentionem excitant. Ipse enim externus religionis habitus, in verbis & gestibus conspicuus, ipse aspectus Templi summo Numini dicati, festivus apparatus omnium rerum sacrarum, non potest non animos hominum erigere ac velut fascinare, ita ut promptiores evadant, tam iudiores quam cultiores, ad verbi Divini meditationem. Immo habent ipsæ preces ac hymni sacri, quorum præcipua ratio in cultu externo habetur, magnam vim ad nutriendum sensum Christianorum, quia Divina beneficia, majestatem, leges cæteraque commemorant, celebrant, & ad pietatem referunt.